
“Халқ банки” 147 ёшда!

Юртимизнинг энг қадимий банкларидан бири ҳисобланган “Халқ банки” бугун ўзининг 147 йиллигини кенг нишонламоқда.

Қайд этилишича, банк 1875 йилда Тошкент шаҳрида бирламчи жамғарма кассалар сифатида ўз фаолиятини бошлаган.

Бугун банк ўзининг 196 та филиаллари, 106 та банк хизматлари марказлари ва 2260 га яқин кассалар тармоғига эга бўлган энг кенг тармоқли молия муассасаси ҳисобланади.

Хусусан, АТ “Халқ банки” Ўзбекистон тумани филиали айни кунларда жами 710 дан зиёд юридик, 500 дан зиёд яқка тартибдаги тадбиркорлардан (хунармандлар ва б.қ) иборат мижозларига эга бўлиб, тумандаги 33 мингдан зиёд пенсионерларга пенсия пулларини тарқатади.

Банк томонидан 15 турдан ортиқ банк ва консалтинг хизматлари кўрсатилади.

Таъкидланишича, 2022 йилнинг 1-чораги давомида АТ “Халқ банки” Ўзбекистон филиали томонидан биргина “Ҳар бир оила-тадбиркор” дастури доирасида туманимиздаги 275 нафар фуқарога жами 5 млрд. 21 миллион сўм имтиёзли кредитлар ажратилган. Шундан 1 млрд. 878 миллион сўм 123 нафар аёлларга, 1 млрд 525 миллион сўм эса 79 нафар ёшларга ажратилган имтиёзли кредитлар ҳиссасига тўғри келади.

Сана муносабати билан Ўзбекистон тумани ҳокимлиги АТ “Халқ банки” Ўзбекистон филиалининг барча ишчи-ҳодимларини самимий қутлаб, оилаларига тинчлик-хотиржамлик, юрт равнақи, ҳалқимиз фаровонлиги йўлидаги ишларида зафарлар тилайди.

????????? ?????? ?????????

2022-05-10 18:40:08